

I N F O R M A C I J A
O 18. SAOBRAĆAJNO/PROMETNO-OBRAZOVNOM
TAKMIČENJU/NATJECANJU UČENIKA OSNOVNIH ŠKOLA U 2014. GODINI

Bosanskohercegovački auto-moto klub je uspješno okončao ciklus školskih, općinskih i područnih saobraćajno/prometno-obrazovnih takmičenja/natjecanja na kojima je učestvovalo više od 25.000 učenika osnovnih škola. Treba istaći da su saobraćajno/prometno-obrazovna takmičenja/natjecanja imala prvenstveni cilj da na popularan način doprinesu saobraćajnoj edukaciji učenika, a samim tim podizanju nivoa preventivnog djelovanja u oblasti saobraćaja/prometa, poboljšanju opšteg stanja sigurnosti saobraćaja/prometa i zaštite ljudskih života.

U skladu sa novim Pravilnikom o organizaciji i realizaciji saobraćajno/prometno obrazovnih takmičenja/natjecanja učenika osnovnih škola u Bosni i Hercegovini područna takmičenja/natjecanja organizuju se po sljedećim područjima:

- 1. HERCEGOVAČKO PODRUČJE** (obuhvata opštine/općine sa područja Hercegovačko-neretvanskog, Zapadnohercegovačkog i Kantona 10 /Županije 10)
- 2. SARAJEVSKO PODRUČJE** (obuhvata opštine/općine Sarajevskog i Bosansko-podrinjskog kantona)
- 3. PODRUČJE SREDNJE BOSNE** (obuhvata Zeničko-dobojski i Srednjobosanski kanton)
- 4. PODRUČJE DISTRIKTA BRČKO**
- 5. TUZLANSKO PODRUČJE** (Tuzlanski kanton)
- 6. PODRUČJE BIHAĆA** (Unsko-sanski kanton)

Tokom mjeseca aprila i maja održana su područna takmičenja kako slijedi:

	PODRUČJE	ORGANIZATOR	DATUM I MJESTO ODRŽAVANJA
1.	Srednja Bosna (ZDK i SBK)	TEHPROV doo Podružnica Zenica	26.04.2014. Zenica
2.	Područje Bihaća (USK)	AMK „Bihać“	10.05.2014. Bihać
3.	Sarajevsko (KS i BPK)	AMKK „Sarajevo“	17.05.2014. Sarajevo
4.	Tuzlansko (TK)	TUZAMK	28.05.2014. Banovići
5.	Hercegovina (HNK, ŽZH i KANTON 10)	AMK Sunce	31.05.2014. Jablanica
6.	BRČKO DISTRIKT	AMK „Brčko“	31.05.2014. Brčko
	Finalno	BIHAMK AMK Ilijaš	07.06.2014. Ilijaš

Kao što je evidentno BIHAMK je i ove godine u većem dijelu Bosne i Hercegovine organizovao i realizovao saobraćajno/prometne-obrazovne aktivnosti uz znatno omasovljenje ciklusa, koje je bilo popraćeno kvalitetom rada i rezultata.

Na svim područnim takmičenjima/natjecanjima bio je prisutan delegat Komisije za saobraćajna/prometna takmičenja/natjecanja BIHAMK-a, koji je vršio koordinaciju, ali i pružao konkretnu stručnu pomoć u vidu obračuna rezultata i realizacije teoretskog i praktičnog testiranja takmičara.

Troškove realizacije većeg broja regionalnih (5 područnih i Brčko Distrikt) saobraćajno/prometno-obrazovnih takmičenja/natjecanja, kao i finalnog takmičenja/natjecanja snosio je BIHAMK, s tim što je većina organizatora područnih takmičenja/natjecanja uspjela obezbijediti i manje sponzorske priloge.

07. juna 2014. godine u Ilijašu je održano 17. saobraćajno/prometno-obrazovno takmičenje/natjecanje učenika Osnovnih škola BiH na kojem je učestvovalo 6 ekipa iz BiH.

Na finalnom takmičenju nadmetali su se najbolji pojedinci područnih takmičenja/natjecanja (predstavnici 9 kantona Federacije BiH, kao i predstavnici Brčko Distrikta), rođeni između 2002. i 2004. godine, njih ukupno 34. Ove godine, u skladu sa novim Pravilnikom Komisije za saobraćajna/prometna takmičenja/natjecanja BIHAMK-a, ekipa iz Brčko Distrikta bila je sastavljena od dva dječaka i dvije djevojčice, dok su ekipe iz ostalih područja činila po tri dječaka i tri djevojčice.

Organizator ovogodišnjeg finalnog saobraćajno/prometnog-obrazovnog takmičenja/natjecanja bio je AMK Ilijaš, dok je UG BIHAMK preuzeo ulogu izvršnog organizatora.

Sami tok takmičenja/natjecanja odvijao se na uobičajene način, a u skladu sa Pravilnikom o realizaciji sedamnaestog saobraćajno/prometno obrazovnog takmičenja/natjecanja učenika Osnovnih škola BiH: takmičari/natjecatelji su radili test iz poznavanja saobraćajnih/prometnih propisa, a zatim vozili bicikl na posebno pripremljenoj stazi-poligonu. Ocjenjivanje je bilo javno i rezultati su saopštavani odmah nakon završetka radnje na stazi-poligonu.

Nakon završenog teoretskog i praktičnog dijela takmičenja/natjecanja sumiranjem rezultata, dvije djevojčice su imale podjednak broj negativnih bodova, pa je vožena i tzv. "puž" vožnja, nakon koje su određena tri prvoplasirana dječaka i djevojčice.

Najbolje plasiranim pojedincima i ekipama organizator je obezbijedio vrijedne nagrade (bicikla, pehare, diplome), dok su svim takmičarima/natjecateljima podjeljene posebne diplome za učešće na ovoj tradicionalnoj manifestaciji.

Na osnovu pojedinačnih rezultata takmičara/natjecatelja, na Finalnom takmičenju/natjecanju određeni su predstavnici BIHAMK-a:

1. Hana Turak - Hercegovačko područje
2. Adina Podanović - Tuzlansko područje
3. Amar Beganović - Sarajevsko područje
4. Eldar Sarajlić - Hercegovačko područje

Navedeni takmičari su predstavljali BIHAMK i našu zemlju na 29. FIA Saobraćajno/prometnom-obrazovnom takmičenju/natjecanju koje se ove godine održalo u Lillestromu u blizini Osla (Norveška) u periodu od 05. do 07. septembra.